

Abdullah ke Jepun

BH - 21/05/2006

KUALA LUMPUR: Perdana Menteri, Datuk Seri Abdullah Ahmad Badawi akan melakukan lawatan kerja enam hari ke Jepun, bermula esok.

Kementerian Luar dalam satu kenyataan berkata, Perdana Menteri dijangka tiba di Lapangan Terbang Antarabangsa Narita, Tokyo, kira-kira jam 4 petang esok, waktu tempatan.

Menurut kenyataan itu, pada sebelah pagi keesokan harinya, Abdullah dijadualkan melawat Pusat Matsushita Panasonic di Ariake, Koto-Ku, sebelum menghadap Maharaja Akihito di Istana Imperial. Maharaja Akihito dijadualkan melawat Malaysia pada 10 hingga 11 Jun ini.

Pada sebelah petangnya, Perdana Menteri akan menghadiri taklimat mengenai biofuel oleh Kementerian Ekonomi, Perdagangan dan Industri (METI) Jepun serta Mitsubishi Corporation.